



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-139-4/22**

Datum: **08.04.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „REMUS INNOVATION“ d.o.o. Sanski Most, u postupku izdavanja vodne dozvole za ispuštanje tehnoloških otpadnih voda sa lokacije pogona za proizvodnju ispušnih sistema za motorna vozila, izgrađenog u Industrijskoj zoni bb u Sanskom Mostu, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „REMUS INNOVATION“ d.o.o. Sanski Most, za ispuštanje tehnoloških otpadnih voda sa lokacije pogona za proizvodnju ispušnih sistema (auspuha) za motorna vozila, izgrađenog u Industrijskoj zoni bb u Sanskom Mostu.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljene dokumentacije i izvršenim uviđajem na lokaciji objekta i pod slijedećim uslovima:
 - 3.1. Obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1. Priloga 28. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), u skladu sa projektnom dokumentacijom.
 - 3.2. Da se izvrše svi predviđeni radovi po revidovanoj tehničkoj dokumentaciji te ugradnja predviđene opreme i uređaja.
 - 3.3. Da se osigura da se onečišćene oborinske vode sa internih saobraćajnih i manipulativnih površina nesmetano sakupljaju i odvođe do objekata predviđenih za tretman onečišćenih oborinskih voda (separator ulja i masti), a zatim tretirane vode ispuštaju u recipijent.
 - 3.4. Da se iz monitoring okna postojećeg separatora (iza separatora ulja i masti za tretman zauljenih oborinskih voda sa prostora internih saobraćajnih, pretakališnih i manipulativnih površina) uzimaju uzorci prečišćenih otpadnih voda za kontrolu od strane nadležnog pravnog lica po ugovoru.
 - 3.5. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije pogona „REMUS INNOVATION“ d.o.o. Sanski Most, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.7. Opasni materijal i otpad, kako u toku izvođenja radova tako i u toku rada pogona ne smije ni privremeno odlagati na česticu «vodno dobro», odnosno u vodotok i na njegove obale.

- 3.8. Na predmetnoj lokaciji nije dozvoljeno indirektno ispuštanje otpadnih voda u podzemne vode.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada).
 5. U periodu važenja ove dozvole, korisnik predmetnog kompleksa je dužan ispoštovati sve mjere i aktivnosti propisane istom.
 6. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 129. stav (1) Zakona o vodama se daje sa rokom važenja od 5 godina, od dana pravosnažnosti ovog rješenja.
 10. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.

O b r a z l o ž e n j e

Pravno lice „REMUS INNOVATION“ d.o.o. Sanski Most, obratilo se ovoj Agenciji dana 17.03.2022. godine sa zahtjevom za izdavanje vodne dozvole za ispuštanje tehnoloških otpadnih voda iz objekta za proizvodnju ispušnih sistema za motorna vozila, izgrađenog u Industrijskoj zoni bb u Sanskom Mostu na zemljištu označenom kao k.č. br. 374/2, K.O. Sanski Most IV – Općina Sanski Most.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, matični broj upisa: 17-01-0105-12, izdanog dana 17.09.2022. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 01.02.2012. godine, od strane Federalnog ministarstva finansija, Porezne uprave Federacija BiH – Kantonalni porezni ured BIHAĆ,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka pod brojem 04/1-17-1-UPJR/1-700-2/12 dana 12.03.2012. godine, u Banjaluci,
- Kopija uplatnice upravne pristojbe,
- Kopija Rješenja, kojim se odobrava „REMUS INNOVATION“ d.o.o. Sanski Most, da kao investitor može pristupiti izvođenju radova na dogradnji proizvodno-poslovnog objekta prizemne spratnosti (P) u nastavku postojećeg objekta, gabaritne veličine 61,25 x 22,50 m + 5,60 x 48,50 m u Industrijskoj zoni bb u Sanskom Mostu, izdanog od strane Službe za prostorno uređenje, građenje i stambene poslove općine Sanski Most pod brojem UP-1-03-23-2-1111/18 dana 19.07.2018. godine,
- Kopija Rješenja, o izmjeni rješenja o urbanističkoj saglasnosti kojim se daje urbanistička saglasnost investitoru „REMUS INNOVATION“ d.o.o. Sanski Most, za dogradnju proizvodno-poslovnog objekta spratnosti (P i P+1) kao dodatni pogon uz već postojeći, gabaritne veličine 73,25 x 65,60 m, sa četiri nadstrešnice 8,1 x 36,55 m + 8,1 x 31,8 + 73,25 m x 8,1 m + 8,1 x 31,8 m, u Industrijskoj zoni bb u Sanskom Mostu, izdanog od strane Službe za prostorno uređenje, građenje i poslovno-stambene poslove općine Sanski Most pod brojem UP-1-03-19-1-85/21 dana 23.04.2021. godine,

- Kopija Rješenja kojim se odobrava pravnom licu „Remus Innovation“ doo Sanski Most, Industrijska zona bb, upotreba za dograđeni proizvodni dio proizvodno-poslovnog objekta, te da se dograđeni proizvodni dio može koristiti, izdanog od strane Službe za prostorno uređenje, građenje i poslovno-stambene poslove općine Sanski Most pod brojem UP-1-03-19-4-86/20 dana 15.04.2020. godine,
- Kopija Izvještaja o monitoringu kvaliteta i kvantiteta otpadnih voda za pogon „REMUS INNOVATION“ d.o.o. Sanski Most; urađen od strane „TQM“ d.o.o. Lukavac, pod brojem 7-130-1265/22 dana 31.03.2022. godine,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save pod brojem UP-1/21-3-40-139-2/22 dana 21.03.2022. godine, te kopija uplatnice iznosa po istom,
- Specijalna punomoć za Adisa Husakovića – izdana od strane izvršnog direktora Stephan Zochling – „Remus Innovation“ doo Sanski Most,
- Kopija ugovora o izvođenju radova sa ovlaštenim pravnim licem „Delta Petrol“ d.o.o. Kakanj, o čišćenju separatora i septičkih jama i odvozu otpadnog mulja i taloga, broj 0378/22-DS od 11.03.2022. godine, sa zapisnikom o čišćenju broj 19-03-22 i transportnom dokumentacijom za otpad,
- Tehnička specifikacija – kopija, sredstva koje se dodaje u vodu prilikom pranja i odmašćivanja elemenata za proizvodnju auspuha No. 00 15 25, VR X 81 TA DEGREASER firme proizvođača WIGOL,
- Zapisnik o izvršenom uviđaju broj UP-1/21-3-40-139-3/22 od 31.03.2022. godine.

Tehnička dokumentacija:

- Glavni projekt – vanjskih i unutrašnjih hidroinstalacija sa sakupljanjem, tretmanom i ispuštanjem otpadnih voda – dograđeni pogon za proizvodnju ispušnih sistema (auspuha) za motorna vozila; urađen od strane TQM d.o.o. Lukavac pod brojem 10-76/21, broj protokola 2572/21; 27.07.2021. godine, u Lukavcu (na uvid),
- Glavni projekat vodovoda i kanalizacije za objekat „Famos“ Sanski Most iz arhiva USK – stari pogon, urađen od strane „Zavoda za studije i projektovanje“ Banja Luka, oktobra 1977. godine (na uvid) i elektronska forma na CD-u za arhiviranje,
- Revizija glavnog projekta vanjskih i unutrašnjih hidroinstalacija sa sakupljanjem, tretmanom i ispuštanjem otpadnih voda – dograđeni pogon za proizvodnju ispušnih sistema (auspuha) za motorna vozila; urađena od strane „EUROING“ d.o.o. Bihać, pod brojem REV 22-08/21 od augusta 2021. godine, (na uvid)

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled izgrađenog i prijašnjeg pogona koji sada čine jednu cjelinu, za proizvodnju ispušnih sistema za motorna vozila na lokaciji Industrijska zona bb u Sanskom Mostu, pravnog lica „REMUS INNOVATION“ d.o.o. Sanski Most, i tom prilikom sačinjen zapisnik o uviđaju broj: UP-1/21-3-40-139-3/22 od 31.03.2022. godine pri čemu je utvrđeno:

Proizvodni objekt za proizvodnju ispušnih sistema za motorna vozila, „REMUS INNOVATION“ d.o.o. Sanski Most, je lociran u Industrijskoj ulici bb, općina Sanski Most, sa lijeve strane regionalne ceste R- 404a Sanski Most – Bosanska Krupa, u blizini raskrsnice sa magistralnom cestom M 15 Ključ - Prijedor. Objekat se sastoji od proizvodne hale, dograđenog upravnog dijela objekta sa sanitarijama prema ulici, nadstrešnice za prijem sirovine i skladištenje gotovih proizvoda na stražnjoj strani objekta, objekta kotlovnice, internih saobraćajnica i parkirnih površina, te zelenila.

Tehnološki proces počinje dovozom sirovine (limova i sl.) na prostor skladišta sirovine – nadstrešnice na stražnjem dijelu objekta. Unutar objekta je organizovan kružni ciklus proizvodnog procesa na način da se na ulazu unosi sirovina, potom brusi, siječe, obrađuje, vari, polira, pere i pakuje, da bi se na izlazu iz proizvodne hale na prostoru nadstrešnice skladištio gotov proizvod, do odvoza na slijedeću (hemijsku) fazu obrade – nanosa završnog sloja hroma, cinka i slično, koju izvodi drugi pravni subjekt izvan predmetne lokacije (na lokaciji u Bosanskoj Krupi). Na prostoru predmetnog proizvodnog objekta se vrši proizvodnja ispušnih sistema za motorna vozila, koji se dobiju obradom limova od inoxa, rostfraja, nerđajućeg čelika i sl. Interni saobraćaj je kružnog toka oko objekta, sa parkirnim prostorom ispred objekta i servisnim pristupom sa stražnje strane objekta. Interne saobraćajnice su asfaltirane i nivelisane prema uličnim slivnicima. Sanitarne otpadne vode sa lokacije predmetnog objekta su kanalizacionim cijevima sprovedene do odvodnog cijevnog kanala, kojim se dalje odvođe u gradsku kanalizacionu mrežu.

Oborinske vode sa krovova su sistemom horizontalnih i vertikalnih oluka sprovedene do prihvatnih šahtova, od kojih su sistemom kišne kanalizacione mreže sprovedene do odvodnog kanala te posredno u kolektor spojen u rijeku Blihu. Oborinske vode sa prostora internih manipulativnih i parkirnih površina su sistemom slivnika, te nivelacijom terena prema istima, sprovedene do odvodnog kanala kojim se ispod trupa regionalne ceste odvođe do recipijenta – rijeke Blihe.

U samom proizvodnom procesu se upotrebljava tehnološka voda u 3 mašine kapaciteta 320 litara vode u koju se dodaje sredstvo za odmašćivanje dijelova, koja se prikuplja u posude i ispušta u kadu ispred separatora ulja i masti.

Nova mašina za pranje i odmašćivanje alkoholom u kojoj je primjenjen zatvoren sistem cirkulacije, s tim da se izmjena kompletne količine tekućine za odmašćivanje dijelova vrši po zasićenju mastima, a dosipanje se vrši po potrebi. Nastala alkoholna tehnološka otpadna tekućina i talog kao rezultat tehnološkog postupka odmašćivanja zauljenih dijelova se skladište u krugu pogona, u odgovarajuće metalne posude, te koju prema ugovoru o preuzimanju, skladištenju i zbrinjavanju opasnog otpada, preuzima pravno lice sa ovlaštenjem za zbrinjavanje istog.

Pravno lice sa nadležnim gradskim komunalnim preduzećem ima sklopljen ugovor o isporuci vode za piće i druge potrebe i odvodnju sanitarnih otpadnih voda.

Nadalje je utvrđeno da nastali drugi otpad, u procesu proizvodnje, ne uzrokuje bilo kakvo onečišćenje vanjskih manipulativnih površina jer se isti skuplja u kontejner i zbrinjava od strane komunalnog preduzeća.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje
vodnih akata



Haris Ališehović, dipl. inž. građ.

Dostaviti:

- „REMUS INNOVATION“ d.o.o. Sanski Most, Industrijska zona bb, 79 260 Sanski Most
- AVP Sava, ISV – Vodna knjiga
- Sektor 50
- ☉ Sektor 40, arhiva
- Oglasna ploča